

इवनिंग डोगरी न्यूज बुलेटिन

समे .18:15 Hrs

<><><><><><>

Headlines

1. प्रधानमंत्री नरेंद्र मोदी होर कल कटड़ा थवां 46 ज्हार करोड़ थवां मती दी विकास परियोजनाएं दी शुरूआत करडन। कटड़ा थवां श्रीनगर बश्कार वंदे भारत रेल गी झंडी दस्सियै रवाना करडन। प्रधानमंत्री हुंदे दौरे दे मददेनजर सुरक्षा दे व्यापक इंतजाम कीते गेदे न।
2. एनडीए दी अगुवाई आहली सरकार दे 11 बरे पूरे। प्रधानमंत्री होरें आखेआ जे सरकार गरीबें दे कल्याण ते नागरिकें दे सशक्तिकरण लेई समर्पित।
3. एन.आई.ए नै आतंकवादी संगठन लेंई कम्म करने आहले ओवर ग्राउंड वर्कर्स दे सरबंथै च कश्मीर घाटी दी कई सारी थाहरें पर छापेमारी कीती।
- 4 टाइगर डिविजन नै 100 Village defence guard गी सिखलाई दिती।
- 5 अज्ज विश्व पर्यावरण दिवस ऐं जम्मू नगर निगम आसेआ जागरूकता ते बूहटे लाने आहली मुहिम चलाई। डोडा जिले दी जय वैली च इस मुहिम च बॉलीवुड कलाकारें बी हिस्सा लैता।

<><><><><><>

PM-JK Visit

प्रधानमंत्री नरेन्द्र मोदी होर कल 6 जून गी श्री माता वैष्णो देवी जी दे आधार शिविर कटरा थमां 46 ज्हार करोड़ थमां दे मते दी विकास परियोजना दी शुरूआत करगन। ओह कटरा थमां कश्मीर लेई रेल सेवाएं दा उद्घाटन करडन। कटरा ते बारामूला बश्कार चलने आहली वंदे भारत एक्सप्रेस ट्रेन केई सुविधाएं कन्नै लैस होग ते एहदे राहें जम्मू थमां श्रीनगर लेई पैहली बारी सिद्धा रेल संपर्क बी उपलब्ध होई जाहग। श्री मोदी होर रेल राहें चिनाब पुल थमां कटरा औडन ते इस दौरान ओह दुनिया दे सब्भनै शा उच्चे रेलवे पुल ते अंजी खड्ड आहले रेल पुल दा बी उद्घाटन करडन। मोदी होर उधमपुर-श्रीनगर-बारामूला रेल लिंक गी बी लोकें गी समर्पित करडन। इसदे पर 44 ज्हार करोड़ रपे दी लागत आई ऐ। केंद्री रेल मंत्री अश्विनी वैश्वग, केंद्री राज्यमंत्री डॉ. जितेंद्र सिंह ते मुख्यमंत्री उमर अब्दुल्ला होरें अज्ज कटड़ा दा दौरा लाया ते प्रधानमंत्री हुंदे प्रस्तावित कार्यक्रम दे मददेनजर इंतजामें दा जायजा लैता। आकाशवाणी समाचार कन्नै गल्ल करदे होई रेल मंत्री अश्विनी वैश्वग होरें आखेआ।

<><><><><><>

प्रधानमंत्री नरेंद्र मोदी होंरें अपनी सरकार गी सहानुभूति कन्नै भरोची दी ते गरीबें दे कल्याण लेई समर्पित दस्सेआ। मोदी होंरें राष्ट्री जनतांत्रिक गठबंधन सरकार दे 11 बरे पूरे होने पर लोकें गी गरीबी थवां बाहर कड़ने आस्तै केंद्र सरकार दे सशक्तिकरण, मजबूत बुनियादी ढांचे ते समावेशन दी दिशा च पुट्टी गेदी गेंs दा जिक्र कीता। प्रधानमंत्री नरेंद्र मोदी होंरें सोशल मीडिया पोस्ट च लिखेआ जे पी.एम आवास योजना, प्रधानमंत्री उज्जवला योजना, जन धन योजना ते आयुष्मान भारत जनेई पैहले कन्नै घर, रूट्टी पकाने लेई साफ-सुथरा ईंधन, बैंकिंग ते सेहत सेवा तगर सब्बनं दी पुज्ज गी बदाया गेआ ऐ। उनें आखेआ जे प्रतक्ख लाह हासिल करोआने, डिजिटल समावेशन ते मजबूत ग्रामीण बुनियादी ढांचे नै पारदर्शिता ते कन्नो-कन्नै खीरी छोर तगर लाह पजाया ऐ। मोदी होंरें गरीबी गी हराने च 25 करोड़ थवां मते लोकें गी मदद करने च इनें पैहले दी भूमिका पर जोर दिता।

<><><><><><>

NIA-Searches

राष्ट्री जांच एजेंसी नै जम्मू-कश्मीर च 32 थाहरें पर छापेमारी कीती ऐ। एह छापेमारी आतंकवाद सरबन्धी मामलें च कीती गई। एह छापेमारी पुलवामा, कुलगाम, शोपियां, बारामूला ते कुपवाड़ा जिले च होई। एह छापेमारी बड़लै सवेला थवां गै होआरदी ऐं एह छापेमारी बक्ख-बक्ख आतंकवादी संगठन दे ओवर ग्राउंड वर्कर बारै थोई दी टकोहदी सूह पर चलाई गई।

<><><><><><>

Special-Feature

भारत नै सेवा, सुशासन ते गरीब कल्याण दे सिद्धांतें थवां प्रेरित होइयै इक दहाके च टकोहदा बदलाव कीता ऐ। आकाशवाणी समाचार अपने श्रोताएं लई पिछले 11 बरे च प्रमुख क्षेत्रें च सरकार दी उपलब्धिं पर केंद्रित इक विशेष श्रृंखला लेइयै आया ऐ। अज्ज कौशल विकास ते रोजगार सृजन पर ध्यान केंद्रित कीता जा'रदा ऐ जेड़ा भारत दी अमृत पीढ़ी-युवा पीढ़ी गी सशक्त बनाने दी कुंजी ऐ। 35 बरें दी करीबन 65 फीसद आबादी गी हुनर विकास राएं सशक्त कीता जा'रदा ऐ। सरकार दे रोजगार पैदा करने आहले मौकें दे बी खरे नतीजे आवा'रदे न। 2014 च 34 फीसद कालेज दे विद्यार्थी नौकरी पेशे लेई तैयार हे, पर 2024 च एह फीसद 51 तगर जाई पुज्जी ऐ। पी.एम कौशल विकास योजना नै 1 करोड़ 63 लक्ख युवाएं गी पिछले 10 बरें च सिखलाई दिती ऐ।

<><><><><><>

Viksit-Krishi

कृषि विन केंद्र साम्बा नै विकसित संकल्प अभियान दे जरिये अपने प्रभावशाली कार्यक्रमें दा सरिस्ता कीता। रोजाना 1 जहार शा मते करसान ते महिला करसान इस कार्यक्रम च हिस्सा लै करदे न। अपने दौरे दौरान वैज्ञानिकें ते माहिर, करसानें कन्नै सिद्धे तौरा पर राबता कीता जेदे कन्नै राई-बाई च नमी तकनीकें, मिट्टी दे नरोएपन सरबन्धी जानकारी दिती गई। करसानें गी आखेआ गेआ ऐ जे ओह नमी तकनीकें ते राई-बाई आस्तै नमें तरीकें गी अपनान तां जे पैदावार ते आमदनी च बाददा कीता जाई सकै।

<><><><><><>

VDG-Trainig

मकामी सुरक्षा गी बढ़ावा देने ते सामुदायिक रक्षा तंत्र गी मजबूत करने दे लगातार जत्नें तैहत टाइगर डिविजन, ग्राम रक्षा गार्ड लेई व्यापक सिखलाई कार्यक्रम दा सफलतापूर्वक आयोजन करा 'रदा ऐ। जम्मू च तकरीबन 100 वी.डी.जी पुलस फायरिंग रेंज सुंजवां च इक सिखलाई च हिस्सा लै करदे न। एह सिखलाई वी.डी.जी दे सदस्यें दी क्षमताएं गी बधाने ते वी.डी.जी ते सुरक्षाबलें बश्कार तालमेल गी मजबूत करना ऐ। इनें जवानें गी फायरिंग, बुनियादी थेआरें गी संभालने, सामरिक अभ्यास ते सुरक्षा प्रोटोकाल बारै सिखलाई दिती गई।

<><><><><><>

Civil-Military-Interation

आपरेशन सिंदूर दे मगरा भारती फौज नै अज्ज इक मता महत्वै आहले आम लोकें कन्नै सेना दे गल्लबात आहले कार्यक्रम दा आयोजन कीता जेदा मकसद मजबूत समुदाय दे श्शितं गी बढ़ावा देना ते बन्ने लगदे इलाकें च रौहने आहले लोकें गी होरनें तैयारियें बारै जानकार बनाना हा। इस कार्यक्रम दा आयोजन पुंछ च 93 इंफैंटरी ब्रिगेड दी अगुवाई च कीता गेआ जेदे च मन्ने-मरमन्ने दे लोक मकामी लोक, लीडर ते कालेज दे विद्यार्थी शामिल होए। इस गल्लबात दा मुख मकसद हाल च गै खत्म होए दे आपरेशन सिंदूर बारै जागरूकता पैदा करना हा। सत्र दौरान फौज नै बन्नै पारा थमां होने आहली गोलाबारी कन्नै होने आहले खतरें बारै जानकारी दिती ते इस चाल्ली दी घटनाएं थमां अपने आप गी किस चाल्ली बचाया ते दुएं दी मदद किस चाल्ली कीती जा। इस बारै जागरूक बनाया। होर जानकारी स्हाढ़े आकाशवाणी दे जिला संवाददाता अनुभव मिसरी थमां।

<><><><><><>

JMC-Environment Day

विश्व पर्यावरण दिवस दे मौके पर जम्मू नगर-निगम नै पर्यावरण बारै जागरूक ते टिकाऊ गी बढ़ावा देने लेई पूरे शैहरा च प्रभावशाली कार्यक्रमें दी श्रृंखला दा आयोजन कीता। इस कार्यक्रम दी शुरुआत गुज्जर नगर चौक थमां लोकें दी मती भागीदारी कन्नै होई जिसी जम्मू-ईस्ट दे एम.एल.ए युद्धवीर सेठी, डिप्टी

कमिशनर सचिन कुमार वैश्य ते जम्मू नगर-निगम दे कमिशनर डॉ. देवांश यादव होरें झंडी दस्सियें रवाना करोआया। इस रैली दा समापन महाराज हरि सिंह पार्क च होआ जित्थे स्वच्छ ते साददा जीवन जीने लेई प्रतिबद्धता गी दर्शादे होई शपथ लैने दे समारोह दा आयोजन कीता गेदा हा। एह सिलसिला पौधे लाने आहले अभियान कन्नै जारी रेहा जित्थे मन्ने-परमन्ने दे लोकें, विद्यार्थियें ते लोकें हरियाली आहले भविक्ख च योगदान देने लेई बक्ख-बक्ख किस्में दे बूहटे लाए। इस मौके पर बोलदे होई जम्मू दे डिप्टी कमिशनर सचिन कुमार वैश्य होरें आखेआ।

<><><><><><>

Bhaderwah

विश्व पर्यावरण दिवस दे मौके पर प्लास्टिक मुक्त दुनिया बनाने दा स्नेहा फैलाने लेई मशहूर बॉलीबुड हस्तियां जम्मू-कश्मीर दी भद्रवाह घाटी दे सैलानी थाहर जाई वैली पुज्जियां। बॉलीवुड दे कलाकार शरीब हाशमी चंदन राय सनयाल ते सन्नी हिंदूजा होरें भद्रवाह दी जाई वैली च डोडा दे डिप्टी कमिशनर हरविंद्र सिंह, जंगलात मैहकमें ते JKPCB कन्नै रलियै बूहटे लाने आहली मुहिम ते साफ-सफाई अभियान च हिस्सा लैता। डिप्टी कमिशनर हरविंद्र सिंह होरें आखेआ जे बालीवुड दियां हस्तियां दा मुम्बई थमां भद्रवाह आने दा मकसद एह स्नेहा देने दा हा जे राश्ट्र जम्मू-कश्मीर ते आपरेशन सिंदूर दौरान होए दे शहीदै कन्नै इकजुट होइयै खड़ोते दा ऐ। उनें अगगे आखेआ।

<><><><><><>

DA-Increased

जम्मू-कश्मीर सरकार नै अपने कर्मचारिएं आस्तै महंगाई भते च 2 फीसद दा बाददा कीता गेआ ऐ। इस बारे जनवरी थवां इसी 53 फीसद थवां बढ़ाइयै 65 फीसद करी दिता गेआ ऐ। इस गेंs थवां केंद्र शासित प्रदेश च बड़ी मती गिनतरी च सरकारी कर्मचारिएं गी लाह होग। जनवरी थवां मई तगर दा बकाया कर्मचारिएं गी जून 2025 दे म्हीने दी तनखाह कन्नै दिता जाग।

<><><><><><>